

# KONSEY SOU JADEN DIRI



## KIJAN POU FÈ PLATBANN YO

Pou simen 100 liv semans diri ou bezwen 625 mèt kare. Chak plat-Bann fèt pou genyen 4 pye de lajè e 15 a 30 pye de longè. Plat-bann sa yo pa dwe fèt anba lonbraj.

## KI SWEN YON PEPINYÈ DIRI MANDE

Lè nou fini simen diri a. Se pou nou rantre yon ti kouch dlo jis pou kouvri plat-bann yo. Depi pepinyè a fini leve, fè aspèsyon chak 10 jou ak CELCRON + EMTHANE + SATIYET.

## POU REPIKE OSWA TRANPLANTE DIRI

Depi sou 20 rive 25 jou, ti plan diri yo pare pou repike. Trase teren an ak yon reyonè a 20 pa 20 santimèt pou plante ti plan diri yo. Repike 2 a 3 pye nan chak twou pou pèmèt diri a respire.

## KI SWEN JADEN DIRI MANDE

Diri bezwen anpil dlo, konsa tou, de tanzantan nou dwe retire dlo nan jaden an pandan 2 jou pou pèmèt rasin yo respire epi asire yon pi bon devlòpman pye ak grap diri yo.

Depi 6 rive 12 jou aprè repikaj, nou dwe sèvi ak èbisid **RIPROPAM** nan dòz 5 lit pou touye zèb nan yon kawo tè diri.

## KI ANGRÈ KI BON POU DIRI

Angrè ki pi bon pou jaden diri se 20-20-10 nan doz 5 sak pou yon èkta tè, ak silfat nan dòz 6 sak oswa ire nan dòz 3 sak.

- **Premye Angrè:** Mete 2 sak 20-20-10 ant 12 a 15 jou apre repikaj ti plan yo
- **Dezyèm Angrè :** Mete 3 sak anko +2 sak silfat oswa 1 sak ire 30 jou apre repikaj.
- **Twazyèm Angrè:** Mete 4 sak silfat (oswa 2 sak ire) ant 45 e 50 jou apre repikaj.

## KI JAN POU KONBAT ENSÈK AK MALADI NAN JADEN DIRI

Pou lite nan pepinyè kont maladi ki atake fèy, se pou nou flite ak Emthane M-45 15 gr pou yon galon dlo. 10 jou apre ti pye diri yo leve, flite ak Celcron + Satiyet+Emthane. Kontinye flite chak 10 jou jiskaske diri-a ap fleri.

**ANVAN'W SÈVI AK PWODI SA YO, LI ETIKÈT YO, MANDE KONSEY NAN AGROSERVICE KI PI PRE W LA  
AGROSERVICE SE ZANMI'W  
SEMANS AGROSERVICE = BÈL REKÒT**